

ادبیات عمومی و مجریه

هفته‌لق سیاسی، ادبی و علمی غزته‌در.

جلد : ۱

سنه : ۱ ۱۹ ربیع الاول ۱۳۳۵ جمعه ایرتسی ۳۱ کانون اول ۱۳۳۲ نوسرو ۱۱

نورعینم افندم حامدم نخبینه ۲۱ کانون اول سنه ۱۹۱۶

بورایه کله‌لی سکا نیچون مکتوب یازمدم . نیچون یازمدم . بیلیمورم . غالباً کندیمی شمدی بیلیمکه باشلادیغمدن دولایی ! برمدتدنبری بوراده سنکه برابرم . اشتغال، توغلم سنکه ! «فینتن» بوراده ، مطالعه ایتدم ، حالا او قویورم ، او قومقلا بیتمز بر کتاب ! کتابه کائنات کی . کتابک سامی ، هوای نسیمی ، بهاری ، شتایی ، قصوری ، نقصانی وار ! کتابه طبیعت کی . فکری صومدیغ بو کتابکه داثر هرکس کی بنده بر ایکی کله سویلیه حکم .

اثریکک تیاتروییه نسبتی پک آز . لوندریه عائدیتی ده پک جوق دکل . کزیده شاعر شیخ غالبک باشلارکن یری کوکی بربرینه قاتان حسن وعشق مقدمه قیامت نمونک بردوام متکاملی ، ویاخود سراسر ونهایت درجه لیزیک بو کتاب نفی نک بر بیوک قصیده سندر ، دهانک بر نظریه سی . Berne سفارته کلان غزته لرك ایچنده او قویوب تکمیلنه وقت بوله مندیغم جناب شهاب الدین بکک مطالعه سیده ندیمک - قلبک تشریح طی احراری مستثنا - دلربا بر غزلی ! اوزرنده قیامت لر قوپان بر دکزک دالغه لری فینتنی داوالاجیرونک بولندیغی واپورک کوکرتیه سنه آتیور . امواج پیانی رسی حادثات ارسنده مجرای امله بو قدر موافق و مصادف بو دالغه غالباً آغوش عاشقانه دن ده آرزو شین ایش که واپورک اوزرینه براقیر براقز داوالاجیروییه دوغری قوشه رق «ایشی» صوریور . معلومیا . اوسترا لیا ده کی قوجه سنی اولدیرمک ایشی . فینتنی بو دریای بی انتهای متموجک ایچندن ایصالیه رق چیقمش ظن ایدیوردم . صیرصیقلام دیورسک . اوله من . کیجه لری قعرندن نبعان ایدهرک دکزلرده کزن خیال ، ویا سماندن ییلدیزلریله اینهرک دکزه کیرن لیل ایصالمز .

شکسیر ، و یقتور هوغو ، سن تیاترو پیه سلریک زده بر قنبور ، برجوجه ، نواقص و یازواند خلقت ، منکسر و منقرض جسملر ایچنده فریاد ایدر روحلر تصویر ایدیورسکن . فقط اونلرک کده عدم موفقیت خلقت اولان بو مستثنالر آز . سنک کنده جوق ، آهنگ عمومی طبیعتی ، وصحت طبیعی خلقتی اخلاص ایدن بو مستثنالرک کثرتی جهتیله ، اثریکک بعض یرلری تیاترولقدن چیقارق .

ورق سوسنن مانند اوله رق یردن بتمش و اطرافنه یکنسق یایلوب یخنی ستر ایتش بیقد برافریده هزار افریننده اولوب بوندن ماعدا آغاجی انکنسار صاپنه ممائل و سبز قام برکری فی الجماله طولیجه و قالنجه قدوله آتمکی شکله معادل تازه نهال قدنده اولق اوزره آستانه ده فرنک اینجیری و بو طرفده یکی دنیا اینجیری تعبیر اولنور بعض اشجار و سائر بومقوله بعض غرایب اتار قدرت حضرت کردکار تماشا اولغله قوماندان سابق مرسوم خانه و باغچه سنده اولان عجایی و افراچه ایله جمع ایتش اولدینی اشکار اولقدن ناشی بعضیلردن استفسار اولندقدنه فی الاصل مجاز بکزاده لرندن اولوب سنوی ایکی یوز میلیون ایراد و عقاری اولدینی اخبار اولندیغندن غیری باغچه مزبورده اولان فوقانی وارنده سی پنجره سنده صحایء مبسوطه یه نکه انداز ایکن اول اطرافده بصر بشرک رسیده اولدینی یره قدر واقع اولان محال مرسومک داخل سالک ملکی اولدینی اقرباسندن بریسی بیان و اظهار ایتشدر .

دوام ایده جک

تبریک جهاد

[۹۳ روس محاربه سنده بر مظفریت مهمه احراز ایتش اولان قوماندانلر مزدن برینه دیار بکری سعید پاشا مرحوم طرفندن یازیلان تبریکنامه اولوب بوندن اولکی ادبیات مرک شاه اثرلرندن تلقی اولونمغه شایاندر .]

مشمول بیورلقلری محاسنک هر بریسی علوشاننه برهان و غازی عنواننه شایان اولان ذات مسعدت آیات قهرمانیلری کبی بر مشیر کرامت تدبیرک شمشیر دشمن تدمیر صفدرانه لری که زلال مظفریته نعم الحجاری ، یعنی دکل که یالکیز عموم عثمانیانک ، بلکه او مجرای بسالتدن آقان دشمن قانلری بحر منجمد شالیدن قره دکزه و بحر حزرده بحر بالطقه وارنجه هر فردی روسیه حکومتک آتشیخانه مظالمه حطب و اول حکومتک اضمهالی ایچون دست برداشته درگاه رب اولان کندی تبعه سنک بیله یورکلرینی صغوده جق درجه یه قدر جاریدر . اوله شانلی و قانلی قلیجدن مشاهده اولنان مظفریتلرک ایفای شکرانیتنی عالم عدالتده یشامق استیانلردن معاصر بولنانلر حیاتده اولدجه و صکره کله جک اولانلر دنیا طور دجه فریضه ذمت بیلورلر .

آصفا حقا که توارخ عسکریه جه شان عالی مشیریلرینی کویستره جک بحثلرک هر بریسی نقطه انتخاب وضعنه سزا و شکرانیت صفدرانه لرینی ادایه دوام ایدنلر لایعد و لایحصادر . هان جناب خداوند بیچون جنود نصرتمو عود ملوکانه پی (اینما کانوا) غلبه اعدادن مصون و حیاض ریاض مقاصد و آمال داووزیلرین آب زلال مظفریت و موققیته مشحون بیورمسی دعای مفروض الاداسنی درود تخلص عمر و دولت و اجلال و تزیاید مجد و فخامت اقبال مشیریلریله برابر ایفایه حصر اوقات حیات ایلدم . اولیابده امر و فرمان حضرت من له الامر کدر .